


***Последование молебна***

***св. мч. Трифону***

***Апамейскому***



Господи Иисусе Христе, Сыне Божий, молитв ради  
Пречистой Твоей Матери и всех святых, помилуй нас.  
Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и  
вся исполняй, Сокровище благих и жизни Подателю,  
прииди и вселися в ны, и очисти ны от всякия скверны, и  
спаси, Блаже, души наша.

Святой Боже, Святой Крепкий, Святой Безсмертный,  
помилуй нас (*трижды*).

Слава Отцу и Сыну и Святому Духу, и ныне и присно и во  
веки веков. Аминь.

Пресвятая Троице, помилуй нас; Господи, очисти грехи  
наша; Владыко, прости беззакония наша; Святой, посети и  
исцели немощи наша, имене Твоего ради.

Господи, помилуй. (*трижды*)

Слава Отцу и Сыну и Святому Духу, и ныне и присно и во  
веки веков. Аминь.

Отче наш, Иже еси на небесех! Да святится имя Твое, да  
приидет Царствие Твое, да будет воля Твоя, яко на небеси и  
на земли. Хлеб наш насущный даждь нам днесь; и остави нам  
долги наша, якоже и мы оставляем должником нашим; и не  
веди нас во искушение, но избави нас от лукаваго.

**Тропарь мч. Трифону:**

Мученик Твой, Господи, Трифон во страдании своем венец прият нетленный от Тебе, Бога нашего: имеяй бо крепость Твою, мучителей низложи, сокруши и демонов немощныя дерзости. Того молитвами спаси души наша.

**Кондак мч. Трифону:**

Троическою твердостью многобожие разрушил еси от конец, всеславне, честен во Христе быв, и, победив мучители во Христе Спасителе, венец приял еси мученичества твоего и дарования Божественных исцелений, яко непобедим.

## КАНОН МЧ. ТРИФОНУ

### Пёснь 1.

**Ирмос:** *Воду прошедъ, яко сушу, и египетскаго злагъ избежавъ, израильтянин вопияше: Избавителю и Богу нашему поимъ.*

*Припев (перед каждым тропарем): святой мучениче Трифоне, моли Бога о нас.*

Войстинну Божественныя на небесехъ сладости наслаждайся, яко непобедимъ страдалецъ, твоими молитвами душу мою избави отъ страстей смущения.

Глаголы Божественными огласився, совершилъ еси сия, преславне, деятельно, святыню возлюбивъ, и целомудрие облобызавъ.

Былъ еси истинно пастырь, пасый души твоя в мудрости помышления, души обращающа заблуждающа, и Богу приводя, славне.

*Припев: Пресвятая Богородице, спаси нас..*

**Богородичен:** Просвещаеши мя сияниемъ мысленнымъ, осияние славы рождающая Отчее, Всенепорочная Отроковице, и мракъ греховный разори.

### Пёснь 3.

**Ирмос:** *Ты еси утверждение притекающихъ к Тебегъ Господи, Ты еси светъ омраченныхъ, и поетъ Тя душа моя.*

Притупилъ еси силу гордаго, славный мучениче Христовъ, свыше одеявся силою.

Плотию обложенъ, шатания безплотнаго угасилъ еси врага, и воплощеннаго Бога Слова проповедалъ еси.

Единымъ токмо пришествиемъ твоимъ духи лукавствия отгоняются, Духа Святаго гоними благодатию.

**Богородичен:** Имѣя Тя помощь, не постыждуся, Пречистая Мати Божия, имѣя Тя представительницу жизни моея, спасуся.

## Седáлен, глáс 4.

Болезньми, блаженне, наслаждаясь плотскими, божественную и неболезненную пищу достойно восприял еси, венец безсмертия от Бога прием. Темже и исцелений реки источаеши любовью прибегающим, мучениче, в кров твой.

**Слава, и ныне:** Сокровище вечное Жизни всяческих, мене ради под законом младенствовавший, древле начертавый на скрижалях закон на горе Синайстей, да вся измениши от законныя древняя работы, слава благоутробию Твоему, Спасе, слава сошествию Твоему, слава смотрению Твоему, Едине Человеколюбче.

## Песнь 4.

**Ирмос:** *Услышах, Господи, смотрения Твоего стаиство, разумех дела Твоя си прославих Твое Божество*

Зрящих удивил еси терпения, блаженне, твердостию: муки бо претерпел еси, яко в чуждем стражда телеси, мудре Трифоне.

Питался еси, блаженне, ранами болезней биемь, ныне же наслаждаешься чистее, присносущныя славы насыщаяся.

Стружему телеси твоему железных ногтей остротою, вжиляшеся, чудне, твоя души крепость, Божественною благодатию.

**Богородичен:** На Тя упование мое все возлагаю, Мати Дево: душу мою сохрани, яже Бога рождающая, Спаса моего.

## Песнь 5.

**Ирмос:** *Утвренующе, вопиеши Ти Господи, спаси ны, Ты бо еси Божьстий, разве Тебединово не веши.*

Кумиры прелестныя упразднил еси, страсотерпче, токмо бо возлюбил еси Христову образу поклоняться.

Разумев пресветлую, славне страсотерпче, благодать Бога нашего, тоя ради пострадал еси.

Боже́ственною озари́вся благода́тию, усер́дно, страда́льче, Христа́ ради́ пострада́л еси́.

**Богоро́дичен:** Неизрече́нно бы́сть зача́тие Твое́, и рождество́ несказа́нно: пребыла́ бо еси́ Чи́стая Присноде́ва.

### Песнь 6.

**Ирмо́с:** *Очисти мя́ Спа́се, мно́га бо беззаконя́ моя́х из глубины́ во́дъ возведи́; молю́ся, к Тебе́ бо возопи́х, и услы́ши мя́; Бо́же спасе́ния моего́*

Изуши́в ме́рзския же́ртвы, и приноше́ния скве́рная и неистовства́ идо́льская, твоими́ крове́ми, сла́вне, напои́л еси́ вся́ Церко́вная благоро́дная, Три́фоне, прозябе́ния.

Стру́пи му́ченичества́ я́ко ми́ро благоуха́ют, кро́вь страда́лец источа́ет исцеле́ния, оста́нцы же те́ла ду́ши освяща́ют ве́рою каса́ющихся им.

**Богоро́дичен:** Я́ко одушевле́н киво́т, прия́ла еси́ Сло́во Безнача́льное, я́ко Свято́е Святы́лище Жиждите́ля вмести́ла еси́, я́ко Престо́л огнезра́чен но́сиши Влады́ку, Богома́ти, всея́ тва́ри.

### Конда́к, глас 8.

Тро́ическою твёрдосто́ию многобо́жие разруши́л еси́ от ко́нec, всесла́вне, че́стен во Христе́ бы́в, и, победи́в мучите́ли во Христе́ Спасите́ле, вене́ц прия́л еси́ му́ченичества́ твоего́ и дарова́ния Боже́ственных исцеле́ний, я́ко непобеди́мь.

### Песнь 7.

**Ирмо́с:** *От Иуде́и доше́дше, отро́цы, в Вавило́ве иногда́ ве́рою Тро́ическою пла́мень пе́щный попра́ша, пою́ще: оте́ц Бо́же, благослове́н еси́*

Вене́цносе́ц лику́еши с ли́ки му́ченик весе́ляся, преле́сть бо победи́в сло́вом и́стинным, воспева́еши раду́ясь: оте́ц на́ших Бо́же, благослове́н еси́.

Влады́ка вся́ческих Своими́ страда́ньми венча́ет му́ченика, и се́го водворя́ет в се́лех небе́сных, зову́ща и глаго́люща: оте́ц на́ших Бо́же, благослове́н еси́.

**Богородичен:** Млада носящи Младенца, прежде всех век Бога, Всенепорочная, из Тебе воплощенна, не престаи молящи спасти поющая: отец наших Боже, благословен еси.

### Песнь 8.

**Ирмос:** *Седмерицею пещь халдейский мучитель, Богочестивым неистовно разжжеся силою же лучшею спасеши сия свидетев, Творцуси Избавителю вопияше: отроцы, благословите, священницы, воспойте, людие, превозносите во вся веки.*

Даже до усекновения и опаления, даже до кровепролития, даже и до смертныя кончины пострадал еси, сопротивляясь противу греху, мучениче Христов, ныне же жизнь во Христе сокровенную прием, зываеши: священницы, благословите, людие, превозносите во вся веки.

На земли подвизался еси, с нечестивыми борясь, противу лестней и богоборней лести, горце нудящим; на небесех же, Трифоне, наслаждаешься, венец нося, и со Ангелы ликуеши поя: отроцы, благословите, священницы, воспойте, людие, превозносите Господа во веки.

Мучительское избличил еси безбожие, всеумдре, и демонское богоборство угасил еси струями кровей твоих; в Троице Единого Бога достолепне и чисте возвещая и чествуя, зывал еси: отроцы, благословите, священницы, воспойте, людие, превозносите, во вся веки.

**Богородичен:** Глаголом Твоим последующе, ублажаем, Пречистая, Тя Блаженную, плотию рождшую воистинну Блаженного, Света живущаго незаходямаго, и Светонаставника, и Светодавца Владыку. Егоже отроцы благословят, священницы воспевают и превозносят во вся веки.

### Песнь 9.

**Ирмос:** *Тягнеискусобрачную Матерь Бова Вышняго, Тяг паче умаг рождшую словом воистинну Бова, вышшую Пречистых сил, немощными славословлеми величаем.*

Па́че ви́димых му́ченическое ча́яние, по́лно безсме́ртнаго наслажде́ния: ви́дится си́х наде́жда полна́ благоуха́ния, и ра́дости и све́тлости неизрече́нныя. Те́мже досто́йно ублажа́ются.

Све́т бы́л еси́ вторы́й, к Све́ту пе́рвому прибли́жився, заре́ю Его́ просвеща́емъ и вообража́емъ, Три́фоне му́дре, и Того́ пода́тельными светлосты́ми сияя; те́м тя вси ублажа́ем.

Яви́лся еси́ неужа́сен в по́двизех, страстоте́рпче, яви́лся еси́ и́стинно тезоименит́ божество́нной и святе́й пи́щи, ея́же ны́не восприе́мля, и я́сно наслажда́ясь, спасе́ние чту́щим тя на́м испроси́.

**Богоро́дичен:** Умертви́ мудрова́ние, Богороди́тельнице, плоти́ моя́, и оживи́ душе́вное умерщвле́ние, де́йством И́стинныя Жи́зни, из Тебе́ ро́ждшиися плоти́ю, за неизрече́нное благоутро́бие и спасе́ние пою́щих Тя́.

#### **Свети́лен.**

Пи́щи наслажда́ясь пресла́вныя и божество́нныя, А́нгелом еди́ножителъ бы́л еси́, блаже́нне: гу́си пасы́й в лузе́х, от Бо́га прия́л еси́ благода́ть исцеле́ний, Три́фоне вели́комучени́че, исцеля́ти челове́ческия не́мощи и недуги́.

**Сла́ва, и ны́не:** Отроча́ прине́сши Всенепоро́чная Отрокови́ца во святи́лище, совер́шити я́же по зако́ну, и Си́е на ру́ки я́ко прия́т Симео́н пра́ведный, проти́ву изрече́ Деви́це: Се́й ле́жит на паде́ние и на востание́ многим, и во зна́мение в ми́ре.



## **Молитва мч. Трифону:**

О, святой мучениче Христов Трифоне, скорый помощниче всем, к тебе прибегающим и молящимся пред святым твоим образом скоропослушный предстателю! Услыши убо ныне и на всякий час моление нас, недостойных рабов твоих, почитающих святую память твою. Ты убо, угодниче Христов, сам обещался еси прежде исхода твоего от жития сего тленнаго молитися за ны ко Господу и испросил еси у Него дар сей: аще кто в коей-либо нужде и печали своей призываети начнет святое имя твое, той да избавлен будет от всякаго прилога злаго. И якоже ты иногда дочь цареву в Риме граде от диавола мучиму исцелил еси, сице и нас от лютых его козней сохрани во вся дни живота нашего, наипаче же в день страшный последняго нашего, издыхания предстательствуй о нас, егда темнии зраки лукавых бесов окружати и устрашати нас начнут. Буди нам тогда помощник и скорый прогонитель лукавых бесов, и к Царствию Небесному предводитель, идеже ты ныне предстоиши с ликом святых у Престола Божия, моли Господа, да сподобит и нас причастниками быти присносущнаго веселия и радости, да с тобою купно удостоимся славити Отца и Сына и Святаго Утешителя Духа во веки. Аминь.

Досто́йно е́сть я́ко вои́стину блажи́ти Тя Богоро́дицу,  
Присноблаже́нную и Пренепоро́чную и Ма́терь Бо́га  
на́шего. Честне́йшую херув́им и сла́внейшую без  
сравне́ния сераф́им, без ислéния Бо́га Сло́ва ро́ждшую,  
су́щую Богоро́дицу Тя велича́ем.

Сла́ва Отцу́ и Сы́ну и Свято́му Ду́ху, и ны́не и при́сно и во  
ве́ки веко́в. Ами́нь.

Го́споди, поми́луй. (*трижды*)

Го́споди, Иису́се Христé, Сы́не Бо́жий, молитв ра́ди  
Пречи́стыя Твоея́ Ма́тере, преподо́бных и богоно́сных оте́ц  
на́ших и всех святы́х поми́луй нас. Ами́нь.